



SLUŽBENI GLASNIK OPĆINE VISOKO

GODINA LII

Visoko, ČETVRTAK 22. novembar 2018. godine

BROJ 11

86.

Na osnovu člana VI (2). Ustava Federacije Bosne i Hercegovine («Službene novine FBiH», broj 1/94 i 13/97), člana 70. i 75. Ustava Zeničko-dobojskog kantona («Službene novine FBiH», broj 7/96), člana 13. Zakona o principima lokalne samouprave u Federaciji Bosne i Hercegovine («Službene novine FBiH», broj 49/06) i člana 117. Statuta općine Visoko («Službeni glasnik općine Visoko», broj 1/11,8/13), Općinsko vijeće Visoko, na 24.sjednici održanoj 20.11.2018 godine, donijelo je:

ODLUKU

o izmjenama i dopunama Statuta općine Visoko

Član 1.

U Statutu općine Visoko („Službeni glasnik općine Visoko“, broj: 1/11 i 8/13) u Poglavlju **8. MJESNA SAMOUPRAVA** u članu 52. u stavu 1. na kraju rečenice briše se tačka, a dodaje se tekst koji i glasi:

„, a naročito:

-pokreću i učestvuju u javnoj raspravi kod pripreme i donošenja urbanističkih planova na području mjesnih zajednica, pokreću inicijative, daju mišljenja i učestvuju u izgradnji komunalnih objekata u općoj upotrebi;

-pokreću i učestvuju u raspravama o inicijativama i aktivnostima za razvoj privrede i društvene djelatnosti;

-brinu o zaštiti osoba kojima je potrebna pomoć i u tu svrhu pokreću saradnju sa stručnim organima u oblasti socijalne zaštite;

-staraju se o razvoju kulture i sporta i stvaraju uvjete za dostupnost ustanova i objekata kulture i sporta svim građanima a pogotovu mladim;

-stvaraju uvjete i preduzimaju mjere za očuvanje i zaštitu prirodnih i radom ostvarenih vrijednosti čovjekove sredine;

-drugim poslovima utvrđenim Statutom Općine i statutima mjesnih zajednica vodeći računa o vrsti i obimu potreba, raspoloživim sredstvima, kao i interesima građana u cjelini.”

Član 2.

Član 73. briše se.

Član 3.

Član 74. briše se

Član 4.

Općina Visoko uskladiće svoje propise, a mjesne zajednice općine Visoko svoje statute sa ovom Odlukom u roku od 30 dana od dana stupanja na snagu ove Odluke o izmjenama i dopunama Statuta općine Visoko.

Član 5.

Ova Odluka stupa na snagu osmog dana od dana objavljivanja u «Službenom glasniku općine Visoko».

Broj: 01/1-02-327/18
20.11.2018.godine
Visoko

PREDSJEDAVAJUĆI
OPĆINSKOG VIJEĆA
Bajro Fejzić, prof, s.r.

Član 4.

Ovaj Zaključak stupa na snagu danom donošenja i objaviće se u «Službenom glasniku općine Visoko».

Broj: 01/1-02-329/18
20.11.2018.godine
Visoko

PREDSJEDAVAJUĆI
OPĆINSKOG VIJEĆA
Bajro Fejzić, prof, s.r.

87.

Na osnovu člana 13. Zakona o principima lokalne samouprave u Federaciji Bosne i Hercegovine («Službene novine FBiH», broj 49/06) i člana 22. i 65. Statuta općine Visoko («Službeni glasnik općine Visoko», broj 1/11,8/13), Općinsko vijeće Visoko, na 24. sjednici održanoj 20.11.2018 godine, donijelo je:

ZAKLJUČAK**Član 1.**

Općinsko vijeće Visoko daje saglasnost na tekst Statuta mjesnih zajednica općine Visoko, koji je prilog ovom Zaključku.

Član 2.

Mjesne zajednice općine Visoko obavezne su donijeti svoje statute u skladu sa ovim Zaključkom u roku od 30 dana od dana stupanja na snagu ovog Zaključka.

Član 3.

Za realizaciju ovog Zaključka zadužuju se savjeti mjesnih zajednica i Služba za opću upravu, inspeksijske poslove i boračko-invalidsku zaštitu.

88.

Na osnovu člana 22. Statuta općine Visoko («Sl.glasnik općine Visoko» broj: 1/11, 8/13), Općinsko Vijeće Visoko, na 24.sjednici, održanoj 20.11.2018.godine, donijelo je:

O D L U K U**o davanju na korištenje sistema video-nadzora na području općine Visoko****I**

Daje se MUP-u ZE-DO Kantona, Policijskoj upravi Visoko, na korištenje, upravljanje, monitoring i održavanje sistem video-nadzora na području općine Visoko (I i II faza), koji je postavljen u skladu sa Glavnim projektom «Video-nadzor na području općine Visoko», izrađenim od OM Trending d.o.o. Ilijaš.

II

Ova Odluka stupa na snagu danom objave u «Službenom glasniku općine Visoko».

Broj: 01/1-02-334/18
20.11.2018.godine
Visoko

PREDSJEDAVAJUĆI
OPĆINSKOG VIJEĆA
Bajro Fejzić, prof, s.r.

89.

Na osnovu člana 199. Zakona o stvarnim pravima ("Službene novine Federacije Bosne i Hercegovine", br. 66/13 i 100/13), člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06) i člana 22. tačka 5. Statuta općine Visoko ("Službeni glasnik općine Visoko", broj 1/11 i 8/13), Općinsko vijeće Visoko na 24. sjednici održanoj 20.11.2018. godine, donijelo je

O D L U K U**o uspostavi prava lične služnosti****Član 1.**

Uspostavlja se pravo lične služnosti - pravo upotrebe na zemljištu označenom k.č.3985/1 KO Visoko u korist JKP "Gradska groblja"d.o.o. Visoko, kao nosioca prava upotrebe, u svrhu privođenja zemljišta konačnoj namjeni proširenju gradskog groblja.

Član 2.

Nosilac prava upotrebe ima pravo da nekretninu iz člana 1. posjeduje kao nesamostalni posjednik, da je koristi isključivo u svrhu proširenja gradskog groblja, njegovog korištenja, održavanja i upravljanja. Nosilac prava upotrebe ne može pravnim poslom prepustiti drugoj osobi izvršavanje svojih ovlaštenja.

Član 3.

Pravo upotrebe zemljišta iz člana 1. ove odluke uspostavlja se bez naknade uz

obavezu nosioca prava da snosi troškove privođenja zemljišta krajnjoj namjeni, troškove uređenja i održavanja.

Član 4.

Zemljišnoknjižni ured Općinskog suda u Visokom će izvršiti upis prava služnosti iz člana 1. ove Odluke nakon njene konačnosti.

Član 5.

Ova odluka stupa na snagu danom objave u "Službenom glasniku općine Visoko".

Broj: 01/1-02-336/18
20.11.2018.godine
Visoko

PREDSJEDAVAJUĆI
OPĆINSKOG VIJEĆA
Bajro Fejzić, prof, s.r.

90.

Na osnovu člana 363. stav 3. tačka 5. Zakona o stvarnim pravima ("Službene novine Federacije Bosne i Hercegovine", br. 66/13 i 100/13), člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06) i člana 22. tačka 5. Statuta općine Visoko ("Službeni glasnik općine Visoko", broj 1/11 i 8/13), Općinsko vijeće Visoko na 24.sjednici, održanoj 20.11.2018. godine, donijelo je

O D L U K U**o kupovini zemljišta****Član 1.**

Općinsko vijeće Visoko kupuje, u postupku neposredne pogodbe, parcele označene k.č. 3983/2 njiva 4. klase, površine 3625 m² i k.č. 3980/1 šuma 4. i livada 4. klase površine 7250 m² u KO

Visoko, na kojoj je upisano pravo vlasništva udio 1/1 u korist Dreca (Abdulah) Muamere u svrhu proširenja gradskog groblja i izgradnje lokalne gradske ceste.

Član 2.

Ovlašćuje se Općinska načelnica Visoko Amra Babić da može zaključiti ugovor o kupoprodaji parcele iz člana 1. ove Odluke po cijeni 9,19 KM po m², odnosno po ukupnoj cijeni 100.000,00 KM.

Član 2.

Troškove zaključenja kupoprodajnog ugovora i obavezu plaćanja poreza na promet nekretnina, kao i sve druge troškove snosi Općina Visoko, kao kupac.

Član 3.

Ova odluka stupa na snagu danom objave u "Službenom glasniku općine Visoko".

Broj: 01/1-02-337/18
20.11.2018.godine
Visoko

PREDSJEDAVAJUĆI
OPĆINSKOG VIJEĆA
Bajro Fejzić, prof, s.r.

91.

Na osnovu člana 363. stav 3. tačka 5. Zakona o stvarnim pravima ("Službene novine Federacije Bosne i Hercegovine", br. 66/13 i 100/13), člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06) i člana 22. tačka 5. Statuta općine Visoko ("Službeni glasnik općine Visoko", broj 1/11 i 8/13), Općinsko vijeće Visoko na 24. sjednici, održanoj 20.11.2018. godine, donijelo je

ODLUKU

o kupovini zemljišta

Član 1.

Općinsko vijeće Visoko kupuje, u postupku neposredne pogodbe, parcele označene k.č. 4075 njiva 5. i njiva 4. klase površine 4254 m² u KO Visoko na kojoj je upisano privremeno pravo korištenja zemljišta u korist Čosić (Osman) Fahrije udio 1/3, Kovačević (Osman) Nermine udio 1/3 i Frljak (Osman) Sabine udio 1/3, radi proširenja gradskog groblja i izgradnje saobraćajnice.

Član 2.

Ovlašćuje se Općinska načelnica Visoko Amra Babić da može zaključiti ugovor o kupoprodaji parcele iz člana 1. ove Odluke po cijeni 20,00 KM po m², odnosno po ukupnoj cijeni 85.080,00 KM.

Član 2.

Troškove zaključenja kupoprodajnog ugovora i obavezu plaćanja poreza na promet nekretnina, kao i sve druge troškove snosi Općina Visoko, kao kupac.

Član 3.

Ova odluka stupa na snagu danom objave u "Službenom glasniku općine Visoko".

Broj: 01/1-02-338/18
20.11.2018.godine
Visoko

PREDSJEDAVAJUĆI
OPĆINSKOG VIJEĆA
Bajro Fejzić, prof, s.r.

92.

Na osnovu člana 1. i 12. Zakona o ministarskim, vladinim i drugim imenovanjima Federacije BiH („Službene

novine FBiH“, broj: 12/03, 34/03 i 65/13), člana 33. Statuta Općine Visoko („Službeni glasnik Općine Visoko“, broj 1/11 i 8/13) i člana 20. Odluke o organizovanju Javne ustanove Gradska biblioteka Visoko i preuzimanju prava osnivača („Službeni glasnik općine Visoko“, broj: 3/00 i 8/17), Općinska načelnica Visoko donosi:

R J E Š E N J E

o razrješenju predsjednika Upravnog odbora Javne ustanove Gradska biblioteka Visoko

I

Nidžara Halilbegović razrješava se dužnosti predsjednika Upravnog odbora Javne ustanove Gradska biblioteka Visoko, imenovana Rješenjem Općinske načelnice Visoko, broj: 01/2-02-1380/17 od 05.10.2017. godine („Službeni glasnik Općine Visoko“, broj: 09/17).

II

Ovo Rješenje objavit će se u „Službenom glasniku Općine Visoko“.

Broj: 01/2-02-1015/18 **OPĆINSKA NAČELNICA**
20.11.2018.godine **VISOKO**
Visoko **mr.sci Amra Babić, s.r.**

93.

Na osnovu člana 1. i 12. Zakona o ministarskim, vladinim i drugim imenovanjima Federacije BiH („Službene novine FBiH“, broj: 12/03, 34/03 i 65/13), člana 33. Statuta Općine Visoko („Službeni glasnik Općine Visoko“, broj 1/11 i 8/13) i člana 20. Odluke o organizovanju Javne ustanove Gradska

biblioteka Visoko i preuzimanju prava osnivača („Službeni glasnik općine Visoko“, broj: 3/00 i 8/17), Općinska načelnica Visoko donosi:

R J E Š E N J E

o konačnom imenovanju predsjednika Upravnog odbora Javne ustanove Gradska biblioteka Visoko

I

Nermina Pinjagić imenuje se za predsjednika Upravnog odbora Javne ustanove Gradska biblioteka Visoko.

II

Nermina Pinjagić imenuje se za period od četiri godine, a do isteka mandata članova Upravnog odbora Javne ustanove Gradska biblioteka Visoko imenovanih Rješenjem Općinske načelnice Visoko, broj: 01/2-02-1380/17 od 05.10.2017. godine („Službeni glasnik Općine Visoko“, broj: 09/17).

III

Ovlašćuje se direktor Javne ustanove da sa imenovanim predsjednikom Upravnog odbora zaključi ugovor o angažmanu kojim će se urediti međusobna prava i obaveze u skladu sa zakonom i aktima Javne ustanove.

IV

Za obavljanje poslova iz nadležnosti Upravnog odbora, predsjedniku i članovima pripada naknada.

V

Ovo Rješenje objavit će se u „Službenom glasniku Općine Visoko“.

Broj: 01/2-02-1016/18 OPĆINSKA NAČELNICA
20.11.2018.godine VISOKO
Visoko mr.sci Amra Babić, s.r.

II

Ovo Rješenje objavit će se u „Službenom glasniku Općine Visoko“.

Broj: 01/2-02-1017/18 OPĆINSKA NAČELNICA
20.11.2018.godine VISOKO
Visoko mr.sci Amra Babić, s.r.

94.

Na osnovu člana 1.i12. Zakona o ministarskim, vladinim i drugim imenovanjima Federacije BiH („Službene novine FBiH“, broj: 12/03, 34/03 i 65/13), člana 33. Statuta Općine Visoko („Službeni glasnik Općine Visoko“, broj 1/11 i 8/13) i člana 20. Odluke o organizovanju Javne ustanove "Centar za kulturu i informisanje" Visoko i preuzimanju prava osnivača („Službeni glasnik općine Visoko“, broj: 03/00, 07/01, 08/17, 11/17 i 6/18), Općinska načelnica Visoko donosi:

R J E Š E N J E

o razrješenju člana Upravnog odbora Javne ustanove „Centar za kulturu i informisanje“ Visoko

I

Zihinja Alihodžić razrješava se dužnosti člana Upravnog odbora Javne ustanove "Centar za kulturu i informisanje" Visoko, imenovan Rješenjem Općinske načelnice Visoko, broj: 01/2-02-1378/17 od 05.10.2017. godine („Službeni glasnik Općine Visoko“, broj: 09/17).

95.

Na osnovu člana 1.i12. Zakona o ministarskim, vladinim i drugim imenovanjima Federacije BiH („Službene novine FBiH“, broj: 12/03, 34/03 i 65/13), člana 33. Statuta Općine Visoko („Službeni glasnik Općine Visoko“, broj 1/11 i 8/13) i člana 20. Odluke o organizovanju Javne ustanove "Centar za kulturu i informisanje" Visoko i preuzimanju prava osnivača („Službeni glasnik općine Visoko“, broj: 03/00, 07/01, 08/17, 11/17 i 6/18), Općinska načelnica Visoko donosi:

R J E Š E N J E

o konačnom imenovanju člana Upravnog odbora Javne ustanove „Centar za kulturu i informisanje“ Visoko

I

Alija Bakšić imenuje se za člana Upravnog odbora Javne ustanove "Centar za kulturu i informisanje" Visoko

II

Alija Bakšić imenuje se za period od četiri godine, a do isteka mandata članova Upravnog odbora Javne ustanove "Centar za kulturu i informisanje" Visoko imenovanih Rješenjem Općinske načelnice Visoko, broj: 01/2-02-1378/17 od

05.10.2017. godine („Službeni glasnik Općine Visoko“, broj: 09/17).

III

Ovlašćuje se direktor Javne ustanove da sa imenovanim članom Upravnog odbora zaključi ugovor o angažmanu kojim će se urediti međusobna prava i obaveze u skladu sa zakonom i aktima Javne ustanove.

IV

Za obavljanje poslova iz nadležnosti Upravnog odbora, predsjedniku i članovima pripada naknada.

V

Ovo Rješenje objavit će se u „Službenom glasniku Općine Visoko“.

Broj: 01/2-02-1018/18 OPĆINSKA NAČELNICA
20.11.2018.godine VISOKO
Visoko mr.sci Amra Babić, s.r.

S A D R Ź A J**I – OPĆINSKO VIJEĆE**

86. Odluka o izmjenama i dopunama Statuta općine Visoko	1
87. Zaključak o davanju saglasnosti na tekst Statuta mjesnih zajednica općine Visoko	2
88. Odluka o davanju na korištenje sistema video-nadzora na području općine Visoko	2
89. Odluka o uspostavi prava lične služnosti na zemljištu označenom kao k.č. 3985/1 KO Visoko u korist JKP “Gradska groblja” d.o.o. Visoko u svrhu proširenja gradskog groblja	3
90. Odluka o kupovini zemljišta označenom kao k.č. 3983/2 i k.č. 3980/1 KO Visoko u svrhu proširenja gradskog groblja	3
91. Odluka o kupovini zemljišta označenom kao k.č. 4075 KO Visoko u svrhu proširenja gradskog groblja	4

II – OPĆINSKA NAČELNICA

92. Rješenje o razrješenju predsjednika Upravnog odbora Javne ustanove Gradska biblioteka Visoko	5
93. Rješenje o konačnom imenovanju predsjednika Upravnog odbora Javne ustanove Gradska biblioteka Visoko	5
94. Rješenje o razrješenju člana Upravnog odbora Javne ustanove “Centar za kulturu i informisanje” Visoko	6
95. Rješenje o konačnom imenovanju člana Upravnog odbora Javne ustanove “Centar za kulturu i informisanje” Visoko	7